

671.1237
078
12

東光縣志

東光縣志卷一

光緒十二年重修

輿地志上

星野

晷度附

自保章氏九州星土之說不傳而後世之談星者率多臆測裨梓或鄰於荒誕馬班或類於墟拘而况蕞爾一隅亦何當於專宿故諸史於疆域分星惟載州郡至於縣邑輒從略焉誠以州郡卽縣邑所觀法也然亦有當辨者今按舊志引府志曰河間入畢十度以爲郡之分野卽縣之分野大都天之一度在地方四合二百五十里東光距河間才一百六十里自應

在畢十度內云考漢書地理志曰趙地昴畢分野東有廣平鉅鹿清河河間晉書天文志亦曰河間入畢十度故唐張文成弓高縣實性寺碑直云上參畢昴之星此舊志所以主畢立論也而 大清一統志則以河間入畢乃專指獻縣而言若河間及滄州景州所屬則在尾箕析木及虛危元枵之次以府治及各縣皆尾箕之宿爲燕分野若景州及所屬三縣則虛危之宿爲齊分野雍正畿輔通志並同他如明史又以河間景州所屬皆分尾箕各有見解莫衷壹是茲惟謹遵統志通志以虛危分野爲定庶免紛歧

元枵虛也顓頊之虛虛也北陸虛也爾雅

元枵齊也

周禮保章氏鄭註

虛危之精流為青州分為齊國

春秋元命苞

自須女一度至危十度謂之元枵之次小寒大寒居之

齊之分野

月令章句

按晉書天文志云自須女八度至危十五度為元枵而費直又起女六度蔡邕起女二度所記多異並錄存參

虛危青州

史記天官書

按東邑實在兗州之地只可言齊不能如天星分青州也

虛二星危三星為元枵於辰在子齊之分野

史記正義

北斗七星夜半建者衡衡殷中州河濟之間

天官書徐廣曰衡第

五星

齊地虛危之分野也北有千乘清河以南勃海之高樂

今南皮

高成

今鹽山

重合

方輿類纂曰重合廢縣在吳橋西南二十里而地理

韻編今釋以為在樂陵縣西大約不出甯吳之間

陽信

今海豐縣東南

皆齊分也

漢書

地理志

天市垣左右各十一星分配二十二方其東垣第九星

主九河西垣第十星主河間

甘石星經

女度十二諸侯齊一星在九坎東北齊北二星曰趙

同上

虛危齊青州齊國入虛六度北海入虛九度濟南入危

一度樂安入危四度平原入危十一度

晉書大文志

須女虛危元枵也初須女五度餘二千三百七十四秒

四少中虛九度終危十二度其分野得平原渤海九

河故道之南

唐書天文志

滄景德爲元枵分

新唐書

北斗七星五曰玉衡爲音主土其分爲燕六曰闔陽爲

律主木其分爲趙七曰搖光爲星主金其分爲齊

宋史

天文志

女二度至危十二度元枵之次也北平布政司所屬之

滄州又河間府景州皆尾箕分

明史天文志


降婁元枵與山河首尾相遠鄰顓頊之墟故爲中州負

海之國爲齊魯青徐其地當南河之北北河之南至

於東海

唐一行志

虛宿



按漢永元銅儀以虛爲十度唐開元游儀同舊去

極百四度今百一度景祐測驗距南星去極百

三度在赤道外十二度

宋史天文志

危宿



按漢永元銅儀以危爲十六度唐開元游儀十七

度舊去極九十七度距南星去極九十八度在

赤道外七度

同上

星野之制自古爲昭黃帝占天高陽畫地是惟創
始至後漢厯志乃分二十四氣於晷影尺寸晝夜
漏刻昏旦中星已稱明備推測之術積久益精
若今於尺地寸陰悉相爭較歲差滕影別啟機能
誠有駕古人而上之者然以京光而論分尾箕分
畢昴分虛危各有師承各有撰述要皆本其推測
之術而臆度於渺冥者也姑列如右以備參稽

暑度

附

北極出地高三十七度五十九分

冬至正午暑影一丈八尺三寸七分弱

夏至正午暑影二尺五寸九分強

冬至晝三十七刻七分弱 夜五十八刻八分強

夏至晝五十八刻八分強 夜三十七刻七分弱

經度距 京師偏東八分三十秒

節氣較 京師遲三十四秒

以上暑度見畿輔通志皆就東光境內推算

建置沿革表

歷代郡縣廢置靡常東光在後漢時尤分其地而三屬如郡國志云觀津縣有竇氏青山乃屬於安平國又分弓高縣屬河間國而東光縣有胡蘇亭則屬於勃海郡此皆同時所置者今詳其地胡蘇亭卽今甯津之保店是割東光之東半屬勃海而兼入甯津南皮界也其竇氏青山在今縣之西北是割東光之西北屬安平而兼入交河界也若弓高分今縣之西南諸鄉是割東光之西南屬河間而兼入阜城景州界也分析之蹟莫顯於此魏晉以降或沿或革雖有變

更要不出此封域矣爰排纂爲表便稽覽焉

朝代		統部	州郡	縣境
中古		冀州域 春秋緯曰人 皇氏分九州 帝王世紀云 九州顓帝所 建帝嚳受之 按舊志以東 光於古 屬冀州		
唐		兗州域 通鑑前編古 九州至帝堯 仍沿其舊世 紀曰堯遭洪		

虞	
水天下分絕 舜攝帝位命 禹平水土今 接東光在九 河之間則知 自治水後改 屬兗州地理 今釋兗州兼 有直隸之大 名府及真定 河間二府東 南境是也	兗州域 按書舜既受 命肇十有二 州而九河則 仍屬兗州
舊志稱瀛國 地但河間之 名為瀛在秦 漢後非唐虞 時所有路史 國名紀亦無 瀛國名	

夏

兗州域

禹貢九河既
道集傳引許
商云胡蘇河
在東光又詩
允有翕河疏
亦云九河胡
蘇在東
光縣

商

兗州域

爾雅分冀爲
幽易青爲營
此實殷制以
疆域畫之爾
時東光應在
幽州之南冀
州之東而兗
州之北界也

周

春秋

兗州域

周制職方氏九州曰兗州川河涕此河卽九河知東光仍屬兗州舊志以爲冀州分野夫求一邑之所繫而論全省之分野無乃太懸宜據周禮爲確

晉東陽地

廣輿記曰河間於春秋爲東陽國按羅泌路史東陽

國有二一在臨淮一在清河此則清河也左傳昭二十二年六月晉荀吳略東陽師息於昔陽之門外遂襲古滅之杜注東陽晉之山東邑魏郡廣平以北昔陽故肥子所都按晉東陽故治在今冀州境昔陽在今冀城縣境鼓在今晉州境故知爾時東光為晉邊

戰國

鄙矣蓋由此
再北即北燕
也界

趙地

舊志曰燕齊
趙三國之境
西屬趙北屬
燕南屬齊此
乃臆度之詞
今據趙策張
儀以連衡說
武靈王割河
間以事秦其
屬趙也明矣
高誘曰趙至
戰國又得涿
郡之高陽鄆
州有廣平鉅

秦

鹿清河河間
渤海之東平
舒文安云云
夫渤海為今
之滄州東平
舒今大城縣
乃與順天分
界而東光之
屬趙復
何疑

上谷郡地

按秦上谷郡
地當今保定
河間宣化易
州諸屬及順
天西南境舊
志乃云屬鉅
鹿郡夫秦之
鉅鹿實當今